

1 Pita

Pitayelen zapat meluwan ņeņangatnaņ

Zapat meluwan kapi Pitayan kuye. Ek nemba Zisasiyan elengolamaņ tazulutme kumtetime kwitnaņ kwitnaņ mulaloņ pemti Zisas mâpmege (Luk 5:1-11). Ma egaņ Zisasimak maņgeen zet abatatatnaņben. Zet notnaņ an ņenaņ ku zenzeyelen egaņ ilak abak zewaņgut zet ilak penaņ zeye. Egat mulup zet Zisasiyan omba ņenaņ zemsaye.

Pitayan zet kapi am Zuda maņgeengatnaņ nâmkiņpepeņinmak kelaņ kumti msat sambe mebet kokotnaņ ekņengat zet kapigok kuye. Ekņenmagen nukņaņ sokbewe keyet weyeyaņ mulup mtabep keyepmti sisipeņpeņ mimindawep ma nukņaņ sepem iķņak iķņak sokbemindame gwaņ gwaņ kumti tabep. Ma naman mopmanegak yaņbemti Kilais kokotnaņgalen weyaņbe weyaņbe mulup eweņanegak mti tabep.

Pitayan zet kapi Loma msalen tati kuye kan keyet msat Loma keyelen kwitnaņ ņen Babilon kuwien enenogat nukņaņ dapmelaņge ekņen yaņbemti tiwewen ke sakam itnaņaņ Kawawaņgalen amnaņ nukņaņ Babilon msalen tati tiwienok katan. Kegogapmti Pitayan ekņenaņ eksemti tatagat zapat meluwan kapi kumindaye.
Zet ņotekņaņ temaņ kapigogaņ 1 Pita zapat meluwan keņa talip:

1:1-2 Zet yañbemti zenzeyelen zet
 1:3-12 Kawawañañ ndaangalalangalen keñ
 mwat zenzeyelen zet
 1:13–2:10 Teñ mama keyelen zemgwatnañ zet
 2:11–4:19 Nâmkinpepemak ekñenmagen
 nukñañ ma sisipeñpeñ sokbeme zigoset
 epumti tatatgalen set katnañ bembenañ
 5:1-11 Nâmkinpepemagen keñ mtoti mama kat-
 nanen zigok mamayelen zetnañ
 5:12-14 Zet zemdelañ zenzeyelen zet

¹ Neñ Pita Zisas Kilaisiyelen mulup an mamti
 egalen Zet Zapat Dolakñañ Penañ zemkawañ
 bembeyelen nâmti nakumtetiyeñañ zet zapat
 meluwañ kapi Kawawañgalen animbi mukup-
 nok msalin peme tapme kileñ Pontas ma Gale-
 sia ma Kapadosia ma Esia ma Bitima Plowins
 ekñen keyet keñañ mamaip ingat bema kozin.
² Kawawañ Bipmnañ ikñañ nâme wenje katañ in
 indakumtetiye. In Emetak Teñañ keñin mme teñ
 penañ bembeyet ma zetnañ gawepumti mamayet
 Zisas Kilaisiyelen sipmañañ zulutindeye. Inma-
 gen Kawawañgalen keñ taolet ma keñ sewakñañ
 sambelañti weweyet nâmti mandunduyap.

*Webe webenn Kawawañmagatnañ mama
kantzit tiwanup kemagen bemti mamambanup*

³⁻⁴ Egañ Zisas Kilais gakikiengatnañ
 mme wage egañ ningat keñañ beme nin
 ekgapmti mama mimi alakñañ angalañ
 gogotnañ temañ penañ tazin keyet penañañ
 Kawawañañ kot ndatime mebegalen damuñ
 webematatnup. Kululuñgalen milombi

lombi ku sambumbuyelen ma yomgalen zukulak ku niniŋaŋ ma kok biliŋ biliŋ ke ingat zapat bempepeŋaŋ tazin ke maneti in toŋaŋ bembeyet kekok mge keyepmti nin Kawawaŋ Amobotnaŋ Zisas Kilais egat Bipmaŋ masesewatpemambanup. ⁵ Mti Kawawaŋ winde toŋaŋaŋ winde indame in nâmkînpepen katikŋaŋ bemtati mane peme msalen mama kan delaŋ zeme milombi lombiŋin kalaŋ kumti bembenaŋ ke toŋaŋ bemambepgat zapat aŋgalaŋindeye. Kawawaŋaŋ toŋaŋ bemti mambepgat zeye ke bangat Kawawaŋaŋ ikŋaŋ msokbewe. ⁶ In keyet oloŋen palen mamambep. Ma Kawawaŋaŋ nâmindeme nukŋaŋ palen moti keyet kember palen mambep keyaŋgut keyaŋ kan isikŋaŋ bugan tabeyet nâmisimti mambep. ⁷ Nâip, gol ek ŋep yek bembeyelen yaŋaŋaŋ tep keŋan toti mamsokbein. In nâmkînpepeŋin penaŋaŋmak penaŋ keyet yaŋaŋ nukŋaŋ sokbemindame keyaŋ mkawaŋ beme Zisas Kilais kokotnaŋ kanen inmagen keŋ sekŋeyak ma sesewat ma elimiak miak sokbemindawe. ⁸ In Zisas Kilais ek sek sepemaŋ penaŋ ŋep ku ekbienanŋgut gogot etaŋ mamsaip ma kan pigogat zikalinaŋ penaŋ ku ekti belak etaŋ manâmkînpeip. Mti olim sesewat mobotnaŋ igagen penaŋ manâmsaip ⁹ keyepmti nâmkînpepeŋinaŋgat penaŋaŋ Kawawaŋaŋ bangat aŋgalaŋindewe.

¹⁰ An golaŋ zenze an ekŋenaŋ Kawawaŋgalen keŋ taolet inmagen alak tasokbein keyet zetnaŋ zemkawaŋ bemkwabien. Ekŋenaŋ Kawawaŋaŋ gilik zemindatiwe zet keyet yaŋaŋ nâsâgât

mulupmanḡ omba penanḡ mbien. ¹¹ Kilais ek sindem nâmeti bam gakikiengatnanḡ wati mama mundum zapatnanḡ Kawawanḡgat betnanḡ penaset windeen moti tiwe keyet zet Emetak Tenḡḡ golanḡ zenze angat keḡinan beme ekḡenanḡ kan zukḡnan penanḡ ma kwitnanḡ kwitnanḡ ziboḡnanḡ tasokbeme Kilaismagen kogok sokbewe zemti ektitimti mamkwabien. ¹² An am yomengatnanḡ gilik zemindatitiyet mulupmanḡ mbe keyet an golanḡ zenze an ekḡenanḡ zetnanḡ zewienen ilinmagen sokbesâpmme ku zewien. Ekḡenanḡ zet zewien keyet penanḡḡ an ekḡen Kawawanḡgalen Zet Zapat Dolakḡnanḡ Penanḡ timti inmagen kozeme Emetak Tenḡḡ kululunḡengatnanḡ toti zelin winde same in keḡ gilik zenze taegip keyanḡ an golanḡ zenze an ekḡengalen zelin penanḡḡmak sokbein kogok bein. Âpme Kawawanḡgalen ensel ekḡenanḡ kogogak zet keyet yanḡḡ nânâyelen mulupmanḡ mamip.

Mama mimi itnanḡḡ bekananḡ bamkumpemti alakḡḡ mbep

¹³ Kogogapmti Zisas Kilaisiyanḡ gilik zemkoti keḡ taoletnanḡgat anḡalanḡindewe keyepmti in keḡin kume kwaopme keḡin sekḡin ekdamunḡ mti nâpenḡ nâpenḡ tati webemti mamambep. ¹⁴ In animbi Kawawanḡgalen zet gawepumti mamaip. In ewenḡan nâmkinḡpepepiḡ mambi-enen kwitnanḡ kwitnanḡ bekananḡ msâgât keḡinanḡ punḡpunḡ mamtemien. Kan pigogat mama mimi bekananḡ ke ewe ku mâbep. ¹⁵ Kawawanḡ ek tenḡ penanḡ mamain eḡanḡ indakumtetime kobien keyepmti in mama mimi tenḡ mti eḡanḡ mamainok

mait. ¹⁶ Kawawaŋgalen Zet Itnaŋanen meluwan kapigok mimiŋaŋ,

“Nerj teŋ penaŋ mamayaŋ keyepmti in kegoŋak teŋ ŋegak mambep.” (*Wok Pris 11:44-45; 19:2; 20:7*)

Kawawaŋaŋ tosa temaŋaŋ ndakwitimti gilik zemndatiye

¹⁷ Kawawaŋ ek am kwizet buŋaminmak ma kwizet buŋaminpiŋ keyet ku manâin. Egaŋ am-gat mama mimi zigok tazin keyet kataŋ ekti zetn manzemdelaŋ zein. Keyepmti in egat, “Bien” zemti mukulem mimiyet dundumsawep beme msalen kapi mamti ek eksempemti masese-watpembep. ¹⁸ In kapigok ŋep nâmtalip, in eweŋan yeŋsokŋine ekŋengalen mama mimi yaŋepiŋ bekaŋaŋ ke timti mamkwatnepeme gilik zemindatitiyelen tosaŋin gol ma silwa yek bembenaŋmak keyaŋ ku indakwititiŋaŋ. ¹⁹ In Kilaisiyet sipmaŋ tosa temaŋ keyaŋ indakwiti-tiŋaŋ. Kilais ek sâpe sâpe bumbuyelen sipsip keboŋ lingit zembenaŋepiŋ ma kwetetepmaŋ penaŋ. ²⁰ Ek eweŋan msat kululuŋ ewe sokbembepiŋ tapme mulup zet ke mimiyet zempepeŋaŋ. Yaŋ kan ke daŋgome Kawawaŋaŋ peme totmamti gakimti wage ke ingat nâmti kegoŋ mge. ²¹ Mti Kawawaŋaŋ in ekmak tusumindeye keyet nâmkipemti maip. Kawawaŋaŋ ikŋaŋegak Zisas gakikiengatnaŋ mme wapme mundum zapa-naŋ ikŋaŋgat betnaŋ penaset windeen mopeye kegoŋak in Kawawaŋaŋ ikŋaŋ kot ewe indadagat webematalip.

²² In Zisas Kilaisiyelen bunjam zapat penañ kapi zemti gawepu mmame keyañ kenin mme kwetetepmanj beye. Âpme in Kilaisimagen nolinemak gogot penañ mti mamaip keyepmti in kenj kwep penañ bemti mama ke gogot palen giñgiñ mti mbep. ²³ Kawawañaññ mama alakñañ indayeen keyañ ingat dukñin alakñañ epeemti kwage keboñ. In alik alik yek bembeyelen keyetnañ yek. Alik alik kwesinj matakwazin keyetnañgatnañ epeemti kwabien. Kawawañgalen zet mamañmak ma wemeti wembe keyetnañ epeemti kwabien. ²⁴ Kawawañgalen Zet Itnañanen zet kapigok kukuñaññ tazin, “Animbi alik mamaip ekñengat mamañin tep msikokok keboñ ma elimiakñin ke tebilalik katnañ keboñ. Tep msikokok ekñen kasuwan indikme maangasip ma tebilalik katnañ ekñen mandâlân zemti tolip. ²⁵ Kawawañgalen zet katikñañ keyañ wemti wembe penañ.” *(Aizaya 40:6-8)*

Zet kapi zet zapat dolakñañ diindondonañ e penañññ ilak kapi zemkawaññ bembenañ.

2

¹ Kegogapmti in kwitnañ kwitnañ bekañgat kenin punpunj kapigok ku mbep: ammagen kwitnañ kwitnañ tisât dâsuki tetimaem titi ma zet nambalam zut zenze ke ma kenj kuku ma nolinyet zet okzep tazep mee ku mbep.

²⁻³ “Amobotnañ Zisasiyelen kenj taolet inmagen sokbeme egoyet,” *(Sam 34:8-9)*

mama mimi keboñ ke time temepme animbi namba okak namgat maindemben sepem

kegogak in Kawawaŋgalen zet mme namnok dolakŋaŋ penañ niniyelen tikŋaŋ penañ nâmti mamambep. Kegok mme Zet Zapat Dolakŋaŋ Penañ nâmkijpepeŋin mme semem katikbewep.

Zisas ek tepum miŋaŋ ma egalen am maŋge kogogak tepum isisikŋaŋ

⁴ In Amobotnaŋ Zisas ek tepum miŋaŋ mamaŋaŋmak am ekŋenaŋ ek ektalati peme meweŋge yaŋgut Kawawaŋaŋ ekme pembenañ penañ beme mwatonzempeye ekmagen wetekumti tabep. ⁵ Mti in tepum kaliŋaŋ nembon tati mka bandim mme tatagalen Emetak Teŋaŋ ingat keŋinan tazin kogogapm Kawawaŋaŋ in tim tusumindeme ikŋaŋgalen am maŋge kwetetepmaŋ ikŋaŋgat zapat ondekindeye. Keyepmti in kwep kwep ilinaŋgat sâpe sâpe bumbu mulup mimiyelen ke an Zuda am ekŋengalen sâpe sâpe bumbu anaŋ ammak Kawawaŋgat tuŋguwinanen tati mamtemien sepem kegok in mimiyelen. Zisas Kilaisiyet pembenañgat amgat tuŋguwinan mulup mamip ke Kawawaŋaŋ nâmtikŋaŋ mimiyet mamip. ⁶ Kawawaŋgalen Zet Itnaŋanen zet kapigok zenzeŋaŋ tazin,

“Egit, neŋ tepum miŋaŋ ŋen mka mme kaliŋaŋ bembeyelen dolakŋaŋ penañ ombempeyap. Neŋ tepum miŋaŋ ke Zaion Kalaŋaŋ* onzempema tazin. Keyepmti an ŋenaŋ tepum miŋaŋ mamaŋaŋmak ke

* **2:6:** Zaion Kalaŋaŋ keyet kwitnaŋ ŋen Zelusalem mka teman.

nâmkinpewe beme bam sakambuk ku mbe
yek penaŋ.” *(Aizaya 28:16)*

7 Âpme am tepum miŋaŋgat manâmkinpeip
ekŋenaŋ tepum miŋaŋ ke ekme mobotnaŋ
beme Kawawaŋaŋ kogok mamipgat nâmindeme
pembenaŋ mambeip. Ma Kawawaŋalen zelaŋ
am ku nâmkinpeip ekŋengat kapigok zenzenaŋ,
“An mka walalat ekŋenaŋ tepum miŋaŋ ŋen ekme
bekanaŋ beme wisat mti peme mewenŋe
tepum keyaŋ tepum miŋaŋ beye.” *(Sam
118:22)*

8 Ma Kawawaŋalen zelaŋ am ku nâmkinpeipgat
kapigok zein,

“Ekŋenmagen tepum keyaŋ uluk galuk beme
ime ulukpeme waleletgat zapat bewe ma
tepum miŋaŋ keyet palen setetek mti toin-
dondoyelen keboŋ bewe.” *(Aizaya
8:14)*

Ekŋenaŋ Kawawaŋalen zet kulume zet
keyaŋ selin kaikme toindowe keyepmti zet
kululuŋinaŋgat tosaŋaŋ kegok sokbemindawe.

In Kawawaŋalen animbi bewien

9 In Kawawaŋaŋ ikŋaŋgat amŋane indaombe-
mindeye. Ma in kwep kwep kogogak Amobotnaŋ
winde toŋaŋ ma amŋane ekŋengat tunŋuwinan
mamti dundundu ma sesewat mulup mimiye-
len. Ma in kegogak Kawawaŋaŋ am maŋge
kwetetepmaŋ temaŋ ondekindeye. Ma am
ikŋaŋgat zapat nâmsemtenŋ mamayet zeminden-
denaŋ. In keboŋ ke tambusosogengatnaŋ timk-
wat ikŋaŋgalen busatnaŋaŋ egoŋaŋmak keyet

keŋan indeyeyepmti in keyet kwit zapatnaŋ zem-palakŋaŋ bewep. ¹⁰ Eweŋan in animbi Kawawaŋan ku nâmatâtpewien. Yaŋ alak pi Kawawaŋalen am bemti mamaip. Eweŋan Kawawaŋalen aŋgalaŋ gogot ku tiwien. Alak pi Kawawaŋaŋ aŋgalaŋ gogot mimindain.

In Kawawaŋalen sisiliŋ an kegok bemti mamambep

¹¹ Notnne penaŋ, pigok zema nâit, in msat kapiyelen am yek. In am mukup ma lueŋset tapmaip keyepmti msat kapiyelen mgasikgat tikŋaŋ nânâ keyaŋ indamandame toweti walebepgat eksemti mamambep. ¹² Mti am nâmkŋpepeŋinpiŋ ekŋengat tuŋguwinan mamti mama mimiŋin weyaŋme teŋ beme mti mamambep. Kegok mame am nâmkŋpepeŋinpiŋ ekŋenaŋ yaŋaŋin ekmâtâti bekaŋaŋ mimi mandiindoip beme ingalen mama mimiŋin dolakŋaŋ ke ekti zet bekaŋaŋ ke peme tapme naman ekŋenaŋ koggak Kawawaŋ nâmkŋpeme kan keyet ilinsakwep ek sesewatsawep.

¹³ Msalengalen amobotnaŋ sambe ekŋengat kandeŋinan mtoti mamti ekŋenaŋ in set notnaŋ mâbâgat katnaŋ beme Amobotnaŋ Zisasiyet kwizet buŋamaŋ mmobogalen nâmti in kegok mimindawep. Msalengalen an mobotnaŋ temaŋ kwizet buŋamaŋmak ¹⁴ egaŋ plowinsgalen amobotnaŋ ekŋen zemindeme kobiengat ekŋengalen zet eyo gawepume delaŋ penaŋ bemâbe. Ekŋen ke am bekaŋaŋ mimi ekŋen zemindondoyet ma am dolakŋaŋ maip ekŋen zemesewatindendeyet zemindendenŋaŋ.

15 Kawawaŋaŋ in am nâmkîŋpepeŋinpiŋ ekŋen mama mimi dolakŋaŋ mimindamti zemyuŋguŋguŋin mme yek bembeyet ingat mulup zet ke manzemindain. ¹⁶ In lala indendeŋaŋ ewan in bekaŋaŋ mimiyet nâmti ku indendeŋaŋ. In lala indendeŋaŋ ke Kawawaŋ sisiliŋ msasayet nâmti indendeŋaŋ. ¹⁷ In am sambe ekŋengat nâmindeme mobotnaŋ bemâbep ma noline nâmkîŋpepeŋinmak maip ekŋen gogot mimindawep. Kawawaŋ eksempemti an mobotnaŋ temaŋ kwizet buŋamaŋmak ek kogogak nâmpeme mobotnaŋ bewe.

Nin Kilaisiyelen mama ke mâti sindem tiwanup

¹⁸ Sisiliŋ an, in amobotnaŋine ekŋengat nâme mobotnaŋ beme zelin gawepuwep. An mobotnaŋ zet sewak sewak mamip ekŋenmagen etaŋ yek notnaŋ mgasik ŋenzinziŋinben, ekŋengat sepem kwep kekok mbep. ¹⁹ Ekŋenaŋ belak yompiŋ tuŋgupman sindem indame in Kawawaŋgat nâmti keŋ kasapiŋ sewakŋaŋ mame Egaŋ nâmindeme dolakŋaŋ bewe. ²⁰ Yaŋgut ŋenaŋ yom aikme keyet dopmaŋ kume keŋ kasapiŋ tabe keyet kwiyaŋ zemesesewatpewe? Yaŋgut ŋenaŋ yompiŋ teŋ mame ekŋenaŋ kume nâmisim matazin keyet Kawawaŋaŋ nâme dolakŋaŋ mambein. ²¹ In sepem kekok ke mimindandayet Kawawaŋaŋ ombemindeyeyepm keyet penanaŋ mamaŋinaŋ msokbewep. Kilais ek kekok ingapmti ŋeŋaŋ bemindamti sindem tiye keyepmti in egalen set kaisatnaŋ ke ekti keyegak mâti mebep.

22 “Ek yom ñen ku mge ma dembusekñanğatnan dâsuki ñen ku toge.” *(Aizaya 53:9)*

23 Ek zentalatpeme egañ dopmañ gilik zemti ku zentalatindeye. Sindem same egañ dopmañ zet ñen ku diindoye. Egañ Kawawañ An zet zemdelañ zenze teñ egat betnan keñañ ma sekñañ nâmtalasim saye. 24 Ningalen bekanan sambe egat palen mopme pumepme tewen kumasasokpewien. Egañ ke nin yomgalen mama mimi katikpepeyet nâmti kekok mge. Kogogapm nin yom ke bankumpemti mama mimi teñ ke mâti mamambanup. Egat sekñañ witikme dulun diliñ zeye keyañ in mimindeme dolakñañ bewien. 25 Eweñañ in sipsip keboñ kileñ lala mekoti mambien. Alak pi sipsip damuñ nembon Zisas egañ gilik zemindatimtikot ondekindemti indikdamuñ mme tapmaip.

3

Awembiñ ekñengalen zet

1-2 Keyet katan imbi awinmak in awine eksemindemti mambep. Âpme awin Kawawañgalen Zet Zapat Dolakñañ Penanğat wisat mti mamain beme in eksemindemti esemteñ zetpiñ mame awinañ ingalen mama mimi dolakñañ ma kwetetepmañ ke ekti keñin gilik zeme Kawawañ nâmkipewep. 3 Imbi, ingalen mama mimi awinañ egonğoyelen ke sekñinañgalen elimiak miak kabon yek: ñokñin weyañ elimiakpemti maip ma kekek tosañañ temañ dolakñañ penañ andomti maip ma sanğum melakandu meluwañañ

dolakñaŋ mundunŋti maip ekñaŋ ke segalen elimiak etaŋ. ⁴ Ingalen mama mimi ego egoñaŋmak ke keñinan awineyet gogot omba penaŋ mimiyet Kawawañaŋ bempaye. Elimiak miak ke ñep ku endeleletgalen. Miak miak ke keŋ sewak palen mame Kawawañaŋ mama keboŋ keyet nâme pembedeñaŋ penaŋ mambein. ⁵ Nâmkinpepemak imbi tipman baen mamkwabien ekñaŋ miak miak sakam keboŋ ke mti mamkwatemienen webebeñin Kawawañmagen tapme mamti awine eksemindewien. ⁶ Ekñaŋmagengatñaŋ imbi kwep ñen kwitñaŋ Sela egaŋ apmaŋ Abalaam ek eksempemti apmaŋgat nâme mopme, “Amobotnaŋ,” zeme maŋge. In Selayet nambañenenok besât mip beme in mama mimi dolakñaŋ mti awineyet ku kingabep.

⁷ An, in imbi ekñaŋ maeksem indeipnok imbiñine eksemindewep. Enenogat it ilisakwep mama kanzizit mamayet Kawawañaŋ taolet mimideye. Keyepmti imbiñine winderinpiŋ ke nâmtatiyepm indamukulem mbep. In kekok ku mbep beme dundundunñaŋgat setñaŋ bekek tabe.

Nin keŋ kwep bemti mambanup

⁸ Zet pigok ondekti zema delaŋ zek, in sambayaŋ keñin kwep bemti mambep. Nenaŋ ñeniyet kember ñenaŋ ñeniyet kember mti noline nâmkinpepeen gogot mimindawep mti keŋ taolet mimindamti keñin mtoti mambep. ⁹ Kwitñaŋ kwitñaŋ bekañaŋ mimindame in kwitñaŋ kwitñaŋ bekañaŋak ku gilik zem mimindawep. Ekñaŋ zet bekañaŋ diindome in zet

bekanaŋak ku diindowep. Kawawaŋ dundum same mukulem mimindewe. In mama mimi keboŋ mti mamayet Kawawaŋaŋ maindakumtetiin. In kekok mti mame egaŋ keŋ taolet mimindawe.

¹⁰ Kawawaŋgalen Zet Itnaŋanen zet kapigok tazin,

“An ŋen nâmkîŋpepemak mama ke penaŋaŋmak bembeyelen nâin ma kan kataŋ oloŋen palen mamayelen nâin beme egaŋ dembusekŋaŋ damuŋ mti zet bekaŋaŋ ma zet dâsuki ŋen ku zewe. ¹¹ Kegok mamayet nâambe beme egaŋ bekaŋaŋ bamkumpemti kwitnaŋ kwitnaŋ dolakŋaŋ ke mbe mti keŋ sewakŋaŋ palen mama ke windenŋaŋbeŋ mbe. ¹² Amobotnaŋ zikatnaŋ am mama teŋ penaŋ mamaip ekŋengalen mamaŋin maekmâtâzin. Amobotnaŋ egaŋ am mama teŋ penaŋ mamaip ekŋengalen dundundu nânâyet wak mambein ma am bekaŋaŋ mimi ekŋen indik kîŋgati mambamkumindein.”

(*Sam 34:12-16*)

Sisipenpen mimndame nâmisimtabanup

¹³ In kwitnaŋ kwitnaŋ dolakŋaŋgat nâmtikŋaŋ mti mame an ŋenaŋ ku indawaleletgalen.

¹⁴ Yaŋgut mama mimi dolakŋaŋgapmti sisipenpen palen mobep keyet oloŋen mbep.

“Kasayet sebet dindiŋ mti windenŋin ku kalube.”

(*Aizaya 8:12*)

¹⁵ Ma ŋen kapigok keŋin kume kwaopme Kilais Amobotnaŋgat zapat penaŋ bemti tabep. Âpme in nukŋaŋ timti nâmisim matalip keyet yaŋaŋgat nânâyet indayaŋkwesime in zemâtâtindasâgât

weyañ ekmâtâti sewak sewak kapigok diindowep, “Kawawañañ mandamukulem mme mamanup.” ¹⁶ In keñin kwetetepmañ penañ weme am notnañañ ingat zet bamset zewep beme in Kilais mâpmaipgapmti am ekñen zet mobotnañ mbep ekñen ke ingalen mama mimi dolakñañgat bekanañ manzewañ eksokbempti sakambuk mbep. ¹⁷ In kwitnañ kwitnañ dolakñañ mme sisipenpen mimindawep ke Kawawañañ inmagen kegok sokbembeyet nâme kozin beme ñep. Âk in yom mme keyet sindem indaip beme ke yominangat dopmañ kogok nâmbep. ¹⁸ Kilais ek yom ñen ku mge yañgut egañ bekanangat dopmañ sek kwep gakime delañ zeye. Ek An teñ penañangut nin bekanañ mimi ningalen yomgapmti gakimti Kawawañmak tusumndeye. Ek am sekmak mañge manepeme kume gakiye âpme Emetak Teñañañ sekñañ gakikiengatnan mme wage. ¹⁹ Âpme Kilaisiyelen Emetakñañañ am gakiwien wenjin mka kaliñan tabien ekñenmagen meti Kawawañgalen Zet Zapat Dolakñañ Penañ diindoye. ²⁰ Ekñen ke Noayañ wañga maweyañkwapme Kawawañañ keñ taoletnañgapmti ekñenañ keñ gilik zenzeyet damuñ mamkwage yañgut ekñenañ zetnañ kuluwien. Âpme animbi 8 etañ wañgaen mowepme tuyañ mimindeme tu palen mme mekoti alik mambien. ²¹ Tuñgwam kwati am sambe indapminzilime tu nimbien mme tu keyañ ñegak Noamak nemunaniñane ekñengalen wañga tuyañ belañ zem mmañge sepem kegok am Kilais nâmkirpeme tu manzulutindeip

ekñen ke Kawawañan maanğalanindein. Tu manzululip keyan sekgalen mubulup ke manzulupme kwawezin yek. Keyan keñinan Kawawañ manâmkinpeip keyet piliñan kogok manzulutindeip. Kawawañan Zisas Kilais gakikiengatnan mme wage keeset maanğalan indein. ²² Mti ikñan kululunjen mogeyan Kawawañgat betnan penaneset windeyelen mundumen totazin. Ke tapme ensel windenjenben sepem ikñak ikñak msat tâgâ tungupman maip ekñen Zisasiyet kandenan tatagat Kawawañan nâmindeme talip.

4

Nin mama mimi bekanan pemann tapme Kilaisiyelen mama pembenan ke mâbanup

¹ Kilaisiyan am sekmak mangeen kan keyet ningat nâmti sek sindem tiye. Kegogapmti in sek sindem tiwepgat weyan mambep. An ñen nâmkinpepenanğat sek sindem matin keyan kaliñan bemti matazin ma bamgat tetimae ñen ekmagen sokben beme yom mimiyet tikñan ku manâin. ² Mme msalen mama mamain katan amnan yom mimiyet tikñan taindame mamip keboñ ñen egañ ku mbe yangut egañ Kawawañan mama mimi nâmtikñan mam ke etañ mbe. ³ Tipman baen nâmkinpepeninpin mamti mama mimi kapigok mmamkwepbien: imbimak set kilen mama ma bekananğat keñinan punpun mimi ma tu katikñan nimti kilin kaluñ palen mama ma bo meu time kwaopme nimwianñti keyet keñaset âmanda manda palen mama ma tu

katikñaṅ omba nimti keñin kilom beme mama mimi bekanāṅ mimi ma nopiom notnaṅ sese-watindanup zemti keyet keñaset mama mimi okbi okbiñaṅmak mimi ma kwitnaṅ kwitnaṅ ke mkwabien ke peme temelak. ⁴ Âpme in kan pi am nâmkînpepeñinpiñ ekñenmak tusumti ku mamaip keyepmti ekñenaṅ nâme in mama mimi bekanāṅ ke ekñenmak tusum mbiek zemti ekme in ekñenmak tusum ku mamaip kegogapm ingat ñenzinziñ omba mti zet bekanāṅ mandiiindoip. ⁵ Yanḡut ekñenaṅ maneti Kawawaṅ am gakiñaṅ ma am alik mamaip yañaṅ msokbe-mbeyet damuṅ matazin egat zikatnan an kwep kwewaṅ yañaṅin zewep. ⁶ Kogogapmti am Kawawaṅgalen buṅam zapat zenze an ekñenaṅ am gakiwien ekñen Kawawaṅgalen Zet Zapat Dolakñaṅ Penaṅ diindondoñaṅ. Ekñenaṅ msalen kapi mamti sek sindem tiwien mti nembetnaṅ zemdelan zenze kanen keyet tosaṅin tiwep ma emetakñaṅ Kawawaṅmak meti mama kanzizit mambe keyet temakwep zewien.

Kan bududuk beingat nolinemak gogot palen mambep

⁷ Kan bududuk beme kwitnaṅ kwitnaṅ sokbe-mbeyet zenzeñaṅ ke tasokbeingapmti dundundu mulup mene mene mimiyet keñinaṅ weyaṅ nâmatâti esemteṅ talip. ⁸ Gogot palen mama ke mama mimi dolakñaṅ notnaṅ sebempein keyepm nodanḡalen yomaṅ sambe kwatampeme tapmâbe mti ekñengalen yuṅguṅguṅin keyet kogogak kandaindowe. ⁹ In noline mkaen indamandame kopme timbuluṅ indasâti zet ku-

5

An ɲeɲaɲ bembe ma sip kaikɲaɲ eɲɲengalen zet

¹ Ingalen an ɲeɲaɲ bembe notnaɲ mamaip eɲɲengat nolin neɲ kegogak an ɲeɲaɲ bembe ingat pigok diindoma nâit: Neɲ Kilaisiyaɲ sek sindem penanɲ tatime zikatn penanɲaɲ ekban. Ma neɲmak an ɲeɲaɲ bembe notnne in egaɲ gilik zem busatnaɲmak kobe kan keyet nin ekmak busatnanen mamayet zapat bewanup.

² Kawawaɲgalen am sipsip nemboɲ damuɲ mimi an in zemindendeɲaɲ kekok ke ilinaɲgat keɲinaɲgat nânâɲak mbep amgalen zet palen yek. Ma mânep milawatmak bembeyet nâmti yek; mulup ke nâme ingalen penanɲ beme oloɲen palen mbep. ³ In am indikdamuɲ mimiyet zeminden-deɲaɲ eɲɲengat nâme topme mobotnaɲ ku tabep. Am sipsip nemboɲ ekɲen ɲeɲaɲ bemindamti mama mimi dolakɲaɲ mme am ekɲenaɲ indikti indamâbep. ⁴ Âpme bam maneti An damuɲ sambeyet ɲeɲaɲin keyaɲ koti in zilem kwi-lik waleletnaɲpiɲ tatat katikɲaɲ matazin keyaɲ miak indemti kwizet buɲamak mamayet mwa-tonzemindewe.

⁵ An sip kaik, in kegogak an ɲeɲaɲine eɲɲengat kandeɲinan mamti zelin gawepuwep.

Nâip, Kawawaɲgalen zelaɲ kapigok zein,
 “Kawawaɲaɲ am ilinaɲgat nâme mobotnaɲ mambein ekɲen mamtoindein ma am keɲin mtoti mamaip ekɲen Kawawaɲaɲ keɲ taolet omba mamimindain,”
(Totatatgalen Set 3:34)

keyepmti in sambeyan keŋ mtoti mama set ke etaŋ ime delaŋ zeme noline ekŋengat kandenjanan mepmâbep. ⁶ Keyepmti in mama miminjin mtoti Kawawaŋgalen betnaŋ windenjanbeŋ keyet kandenjan mambep. Âpme kan temaŋ danŋowe kan keyet in mwatindewe. ⁷ Kawawaŋjan indikdamuŋ dolakŋaŋ mamin keyepmti in nukŋaŋin sambe tatindain beme egat betnan beit. ⁸ In keŋin kume kwaopme kaik mamti nâpeŋ nâpeŋ mambep. Kasaŋin temaŋ Sadaŋ egaŋ gazu gazu temaŋ keboŋaŋ mebekoti an pi ma pi wilikbi zemti ŋandepen mamain. ⁹ Sadaŋaŋ tetimindiksaŋ kopme ekti ku kuŋzuŋbep nâmkijpepeen katikŋaŋ bembabep. Enenogat msat sambe Kilaismagen noline tapmelip ekŋenaŋ nukŋaŋ sepem kwep in tatip kegok ke in nâit. ¹⁰ Kawawaŋ ek keŋ taolet toŋaŋ egaŋ Kilais egat pembenanŋapmti in ikŋaŋgalen busatnaŋ temaŋmak keyet keŋan ikŋaŋmak kwesiŋ kwesiŋ mamayet indakumtetime kobien. Keyepmti in sek sindem kan belaknik bugan timobep yaŋ bam naman egaŋ zekâkât mimndemti keŋ sewak zet zemti gwatnaŋ mimindemti ikŋaŋ mwatonzemindewe. ¹¹ Kawawaŋ ek winde temaŋmak maŋgeyaŋ mamti mamobe keyet sesewatpene. Ke penaŋ.

Zet zemdelaŋ zenzenaŋ

¹² Neŋ Pita ingat zezapat meluwaŋ pemkwepmaŋ kumti Silasiyet betnan bema mkozin. Neŋ egat nâma nâgât notn penaŋ bein. Zet zapat meluwaŋ kapiyet ingat keŋin mbuteteyet nâyaŋ ma Kawawaŋgalen keŋ taoletnaŋ mamimindain

keyet eyo nâmti kuyap. Kogogapm in egalen ken taolet keyet palen wetekumti mambep. ¹³ Neŋ Babilon* mkaen am nâmkîŋpepeŋinmak talip nin ma in temakwep Kawawaŋaŋ ombemndeye. Âpme nin sambe egalen manŋe mamanup nin in indamukumindenup. Ma nemun, Mak, egaŋ kegogak indamukumindein. ¹⁴ In Kawawaŋalen am keyepm notn notn mti bet butem aiwep. Kilaismagen wetekumti maip inmagen ken se-wakŋaŋ wemti weweyet mandunduyap.

* **5:13:** Babilon mka Lomamka temaŋgat kwitnaŋ ŋen bemzemkukuŋaŋ enenogat am nâmkîŋpepeŋin megaŋ nukŋaŋ sepem ikŋak ikŋak tiwien ke Babilon msalen keboŋ ke.

Kawawangalen Tâtâ Alakŋaŋ
The New Testament in the Nabak Language of Papua
New Guinea
Nupela Testamen long tokples Nabak long Niugini

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 11 Nov 2022 from source files dated 9 Oct 2020

ea68a902-358a-5c72-82de-a583fc4809e7